

ჭიათურის მუნიციპალიტეტის გამგებლის შეზღუდული შესაძლებლობების მქონე პირთა
საკითხებზე მომუშავე საბჭოს სხდომის

ოქმი №2

თარიღი: 27.04.2017 წ.

დაწყების დრო: 11:00 საათი

დასრულების დრო: 14:00 საათი

სხდომას ესწრებოდნენ საბჭოს წევრები:

ავთანდილ ვაშაძე -ჭიათურის მუნიციპალიტეტის გამგებლის მოადგილე;

ვლადიმერ სამხარაძე -ჭიათურის მუნიციპალიტეტის გამგეობის ჯანმრთელობისა და
სოციალური დაცვის სამსახურის უფროსი.

ლელა სამაკაშვილი-ა(ა)იპ საჩხერის შეზღუდული შესაძლებლობის მქონე პირთა
რეგისტრირებული კავშირის“ წარმომადგენელი.

ზურაბ ცერცვაძე -საქართველოს უსინათლოთა კავშირის ჭიათურის ფილიალის თავმჯდომარე.

მაკა ამბროლაძე- შეზღუდული შესაძლებლობის მქონე პირის წარმომადგენელი.

თენგიზ კაპანაძე - შეზღუდული შესაძლებლობის მქონე პირის წარმომადგენელი.

ვარდო ჯაჯანიძე - შეზღუდული შესაძლებლობის მქონე პირის წარმომადგენელი.

სოფიო შეყლაშვილი- შეზღუდული შესაძლებლობის მქონე პირის წარმომადგენელი.

იგორ აბესაძე- შეზღუდული შესაძლებლობის მქონე პირის წარმომადგენელი.

მერაბ გურგენიძე- შეზღუდული შესაძლებლობის მქონე პირი.

ქეთო ციციძე- შეზღუდული შესაძლებლობის მქონე პირის წარმომადგენელი, ჭიათურის
მუნიციპალიტეტის გამგებლის შეზღუდული შესაძლებლობების მქონე პირთა საკითხებზე
მომუშავე საბჭოს სარეზერვო სიიდან.

სხდომის თავმჯდომარე: ავთანდილ ვაშაძე-ჭიათურის მუნიციპალიტეტის გამგებლის
მოადგილე

საბჭოს მდივანი: ნათია კაპანაძე -ჭიათურის მუნიციპალიტეტის გამგეობის ჯანმრთელობისა და
სოციალური დაცვის სამსახურის წამყვანი სპეციალისტის დროებით მოვალეობის
შემსრულებელი.

ჭიათურის მუნიციპალიტეტის გამგებლის 26.08.2016 წლის № 51 1899 ბრძანებით
დამტკიცებული „ჭიათურის მუნიციპალიტეტის გამგებლის შეზღუდული შესაძლებლობის

მქონე პირთა საკითხებზე მომუშავე საბჭოს დებულების“ მე-6 მუხლის მე-2 პუნქტის შესაბამისად, საბჭო უფლებამოსილია გამართოს სხდომა.

საბჭოს სხდომას ასევე ესწრებოდნენ:

ლია წერეთელი -ჭიათურის მუნიციპალიტეტის გამგეობის ინფრასტრუქტურისა და ტერიტორიის კეთილმოწყობის სამსახურის წამყვანი სპეციალისტი;

გიორგი გოგატიშვილი-ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ გამგეობის თავმჯდომარე;

გიგო ასანიძე - ა(ა)იპ „შეზღუდული შესაძლებლობის მქონე პირთა თანადგომა-ინტეგრაციის“ გამგეობის თავმჯდომარე;

ნატალია ჩუბინიძე -შშმ პირის წარმომადგენელი.

თენგიზ ყიფშიძე -შშმ პირი.

სხდომას არ ესწრებოდა: საბჭოს თავმჯდომარე-ზურაბ კუპატაძე-ჭიათურის მუნიციპალიტეტის გამგებელი.(ინფრასტრუქტურის სამინისტროს წარმომადგენლებთან შეხვედრა)

საბჭოს წევრი: გიორგი ციციშვილი-ჭიათურის მუნიციპალიტეტის გამგეობის განათლების, კულტურის, სპორტისა და ახალგაზრდობასთან მუშაობის სამსახურის უფროსი.(მივლინება)

საბჭოს წევრი: დავით ლაბაძე- ჭიათურის მუნიციპალიტეტის საკრებულოს ჯანდაცვისა და სოციალურ საკითხთა კომისიის თავმჯდომარე.ოჯახური პირობების გამო.

საბჭოს წევრი: რომან მუმლაძე-ჭიათურის მუნიციპალიტეტის საკრებულოს საფინანსო საბიუჯეტო კომისიის თავმჯდომარე.ოჯახური პირობების გამო.

საბჭოს წევრი: სოფიო კაციტაძე-ა(ა)იპ საჩხერის შეზღუდული შესაძლებლობის მქონე პირთა რეგისტრირებული კავშირის წარმომადგენელი.(ოჯახური პირობების გამო).

სხდომა გახსნა სხდომის თავმჯდომარემ. ავთანდილ ვაშაძემ საბჭოს წევრებს გააცნო სხდომის დღის წესრიგი:

1. შშმ პირთა ტრანსპორტით უზრუნველყოფა, კერძოდ შშმ პირთა საჭიროებებზე ადაპტირებული საზოგადოებრივი ტრანსპორტით უზრუნველყოფის საკითხი. ასევე შშმ პირთათვის უფასო ან შეღავათიანი ადაპტირებული საზოგადოებრივი ან/და კონკრეტულად მათთვის განკუთვნილი ტრანსპორტით უზრუნველყოფის ორგანიზება.
2. შშმ პირთა საჭიროებებზე ადაპტირებული გარემოს მოწყობა ინფრასტრუქტურის კუთხით.
3. შშმ პირთა უფასო მედიკამენტებით უზრუნველყოფა.
4. შშმ პირთა სანატორიულ-კურორტული მკურნალობის დაფინანსების ორგანიზება.
5. შშმ პირთა უზრუნველყოფა დამხმარე საშუალებებით და ადაპტირებული აპარატურით, კერძოდ შშმ სმენადაქვეითებულ პირთა სასმენი აპარატებით უზრუნველყოფა, შშმ უსინათლო პირთა წნევის საზომი ხმოვანი აპარატით უზრუნველყოფა, საჭიროების შემთხვევაში ეტლით

უზრუნველყოფა, ადაპტირებული კომპიუტერებით უზრუნველყოფა და შშმ პირთათვის კომპიუტერული პროგრამების შესასწავლი კურსების ორგანიზება.

6. შშმ პირთა პროფესიული გადამზადების და შემდგომში მათი დასაქმების ორგანიზება. შშმ პირთა აქტიური ჩართულობის ორგანიზება კულტურულ, სპორტულ და სხვა საზოგადოებრივ აქტივობებში, რაც მნიშვნელოვნად შეუწყობს ხელს შშმ პირთა რესოციალიზაციას.

7. ფსიქიური დაავადებების მქონე შშმ პირთა დახმარების საკითხის განხილვა.

8. შშმ პირთა ხელმისაწვდომობა შემდეგ სერვისებზე: საბანკო მომსახურება, სათბობი შემთხვევით უზრუნველყოფა. აღნიშნული საკითხები იმიტომ დადგა დღის წესრიგში, რომ მსგავსი მომსახურების მიღებისას ყველაზე მეტ წინააღმდეგობებს აწყდებიან შშმ პირები.

9. ჭიათურის მუნიციპალიტეტის გამგეობის ჯანმრთელობისა და სოციალური დაცვის სამსახურში შშმ პირთა საკითხებზე მომუშავე სპეციალისტის შტატის დამატების საკითხი.

10. საჩხერის შეზღუდული შესაძლებლობის მქონე პირთა რეგისტრირებული კავშირის მიერ წარმოდგენილი კონკრეტული საკითხების და შშმ პირთა სოციალური ინტეგრაციის სტრატეგიის პროექტის არსებითი განხილვა (მომხსენებელი ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ გამგეობის თავჯდომარე ბატონი გიორგი გოგატიშვილი)

11. შშმ პირებთან დაკავშირებული, უშუალოდ სხდომის მსვლელობის დროს წარმოშობილი, განსხვავებული საკითხების განხილვა.

(შენიშვნა: ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ მიერ განსახილველად წარმოდგენილი საკითხები წინასწარ გადაგზავნილი აქვთ შშმ პირთა საკითხებზე მომუშავე საბჭოს თითოეულ წევრს საკუთარ ელექტრონულ ფოსტაზე.)

მოისმინეს: დღის წესრიგით გათვალისწინებული პირველი საკითხი:

1. შეზღუდული შესაძლებლობის მქონე პირთათვის ტრანსპორტით უზრუნველყოფა, ან და შეღავათიანი ფასები საზოგადოებრივი ტრანსპორტით გადაადგილებისას.

აზრი გამოთქვა საბჭოს წევრმა სოფიო შეყლაშვილმა, რომლის შვილიც შეზღუდული შესაძლებლობის სტატუსის მქონე ბავშვია, უჭირს ბავშვის საზოგადოებრივ ცხოვრებაში ჩართვა, რადგან მათ ტრანსპორტირების პრობლემა აქვთ, ცხოვრობენ მშვიდობაზე და მათ მხოლოდ საბაგირო გზით უწევთ ქალაქთან დაკავშირება.

2. განიხილეს, რომ გათვალისწინებული იქნას შშმ პირთა ტრანსპორტის პარკირება ქალაქის მიმდებარე ტერიტორიაზე კერძოდ: ლიბერთი ბანკთან, ბაზრის ასევე კულტურის ცენტრისა და თეატრის მიმდებარე ტერიტორიაზე.

3. განიხილეს, რომ შშმ პირები უზრუნველყოფილი უნდა იყვნენ უფასო მედიკამენტებით

4. მომხსენებელი ვლადიმერ სამხარაძე გამოთქვა აზრი რომ გათვალისწინებული იქნას სანატორიულ-კურორტული მკურნალობის დაფინანსება მხოლოდ შშმ პირთათვის, პრიორიტეტი უნდა იყოს 18 წლამდე ასაკის შშმ სტატუსის მქონე ბავშვები, მუნიციპალიტეტის გამოცდილებით გაზიარებული იქნას საკურორტო სანატორიუმის პროექტი ამ საკითხს მხარი დაუჭირა შშმ პირთა საბჭოს კომისიის სხდომის წევრების უმრავლესობამ.

5. მომხსენებელი ზურაბ ცერცვაძე- უნდა იქნას გათვალისწინებული, შშმ პირთა უზრუნველყოფა დამხმარე საშუალებებით და ადაპტირებული აპარატურით, კერძოდ უსინათლო პირთა წნევის საზომი ხმოვანი აპარატით უზრუნველყოფა, რასაც არ ითვალისწინებს სახელმწიფო პროგრამა,

ადაპტირებული კომპიუტერებით უზრუნველყოფა და შშმ პირთათვის კომპიუტერული პროგრამების შესასწავლი კურსების ორგანიზება. ზ.ცერცვაძემ დასვა საკითხი, რომ უნდა მოხდეს ჭიათურის უსინათლოთა კავშირისთვის კომპიუტერის შეძენა ადგილობრივი ბიუჯეტიდან, რომელიც უზრუნველყოფილი უნდა იყოს ხმოვანი პროგრამით. ასევე ადგილობრივი ბიუჯეტიდან უნდა მოხდეს უსინათლო პირის გადამზადება ხმოვან პროგრამაზე და ა.შ.

6. მომხსენებელი ვლადიმერ სამხარაძე-შშმ პირთა პროფესიული გადამზადების და შემდგომში მათი დასაქმების ორგანიზება. შშმ პირთა აქტიური ჩართულობის ორგანიზება კულტურულ, სპორტულ და სხვა საზოგადოებრივ აქტივობებში, რაც მნიშვნელოვნად შეუწყობს ხელს შშმ პირთა რესოციალიზაციას. ამ საკითხს მხარი დაუჭირა შშმ პირთა საბჭოს კომისიის სხდომის წევრების უმრავლესობამ.

7. მომხსენებელი- ვარდო ჯაჯანიძე, განიხილეს ფსიქიურად დაავადებული შშმ პირთა საკითხი.

სოფელ ვანში მცხოვრები მოქალაქე, რომელიც არის შშმ პირი აქვს ფსიქიური პრობლემები ესაჭიროება მკურნალობის მიზნით სტაციონარში გადაყვანა, განიხილეს ეს პრობლემა და აღნიშნეს რომ ეს საკითხი არის სოციალური მომსახურების სააგენტოს კომპეტენციაცაა.

უნდა მოხდეს შშმ პირთა სათბობი შეშით უზრუნველყოფა. სატყეო დეპარტამენტმა უნდა დააწესოს შეღავათები.

8. განიხილეს -შშმ პირთა ხელმისაწვდომობის საკითხი შემდეგ სერვისებზე, კერძოდ საბანკო მომსახურება რადგან შშმ პირები ყველაზე მეტ წინააღმდეგობებს აწყდებიან საბანკო მომსახურების პროცესში.

9. მომხსენებელი ვლადიმერ სამხარაძე-სასიცოცხლოდ მნიშვნელოვანია და აუცილებელი შშმ პირთა საკითხებზე მომუშავე თანამშრომლის შტატის დაშვება ჭიათურის მუნიციპალიტეტის გამგეობის ჯანმრთელობისა და სოციალური დაცვის სამსახურში, შესაბამისი განათლების და გამოცდილების მქონე პირის მიღება რომელიც მოემსახურება შშმ პირებს. ამ საკითხს მხარი დაუჭირა საბჭოს სხდომის წევრების უმრავლესობამ.

10. დღის წესრიგით გათვალისწინებულ მეათე საკითხზე საბჭოს წევრებს მოხსენება წარუდგინა ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ გამგეობის თავმჯდომარემ გიორგი გოგატიშვილმა.

მან ისაუბრა ჭიათურის მუნიციპალიტეტში არსებულ შშმ პირთა მძიმე მდგომარეობაზე. მისი თქმით ჭიათურის მუნიციპალიტეტის ბიუჯეტი შშმ პირთა მიმართებით ითვალისწინებს ძირითადად ერთჯერად დახმარებებს. დახმარების ეს ფორმა ვერ უზრუნველყოფს შშმ პირთა ინტერესების დაცვას და მათ ინტეგრაციას საზოგადოების პოლიტიკურ-ეკონომიკურ პროცესებში. მომხსენებლის ინფორმაციით ჭიათურის მუნიციპალიტეტის ადგილობრივი თვითმმართველობის თანამდებობის პირებმა, მათთან ჩატარებულ შეხვედრებზე აღნიშნეს, რომ შშმ პირთა დახმარების არსებული, ერთჯერადი დახმარებების გაცემის მექანიზმი არაეფექტურია და საჭიროა ამ მექანიზმების სრულყოფა და დახვეწა. ამ მიზნით განსახორციელებელი ღონისძიებები უნდა დაეფუძნოს შშმ პირთა საჭიროებათა შესწავლას და მიმართული უნდა იყოს არსებული პრობლემების კომპლექსურ და გრძელვადიან გადაწყვეტაზე.

გაეროს შეზღუდული შესაძლებლობის მქონე პირთა უფლებების კონვენციის 31-ე მუხლით განსაზღვრული ვალდებულებიდან გამომდინარე ჭიათურის მუნიციპალიტეტში კონვენციის ადგილობრივ დონეზე ეფექტური განხორციელებისთვის საჭირო მუნიციპალური პოლიტიკის შემუშავებისა და განხორციელების (გრძელვადიან შედეგებზე ორიენტირებული მუნიციპალური პროგრამების მომზადების) უზრუნველსაყოფად საჭირო და აუცილებელია შშმ პირთა არსებული მდგომარეობის შესწავლა, შშმ პირთა შესახებ მონაცემების ერთიანი განახლებადი ბაზის შექმნა (შშმ პირთა შესახებ ინფორმაციის შეგროვებისა და ანალიზის სისტემის ჩამოყალიბება). ამ პროცესში აუცილებლად გასათვალისწინებელია კონვენციისა და „პერსონალურ მონაცემთა დაცვის შესახებ“ საქართველოს კანონის მოთხოვნები.

გიორგი გოგატიშვილმა საბჭოს წევრებს განსახილველად წარუდგინა ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ მიერ USAID-ის მიერ დაფინანსებული და 2016 წელს განხორციელებული პროექტის „შეზღუდული შესაძლებლობის მქონე პირების აქტივობები გაეროს შეზღუდული შესაძლებლობის მქონე პირთა უფლებების კონვენციის ადგილობრივ დონეზე პოპულარიზაციისა და იმპლემენტაციისთვის“ ფარგლებში მომზადებული შეზღუდილი შესაძლებლობის მქონე პირთა სოციალური ინტეგრაციის სტრატეგიის პროექტი (რომელიც საბჭოს წევრებს გასაცნობად დაგზავნილი ჰქონდათ საბჭოს მდივნის მიერ ელექტრონულად). მომხსენებლის თქმით სტრატეგია წარმოადგენს შშმ პირთა შესახებ მუნიციპალური გრძელვადიანი პოლიტიკის განმსაზღვრელ დოკუმენტს, რომლის მიზანია შშმ პირთა სრულფასოვნად ჩართვა მუნიციპალიტეტის სოციალურ-ეკონომიკური განვითარების პროცესში და მუნიციპალიტეტში მცხოვრებ ყველა პირისთვის ფიზიკური და კულტურული გარემოს, საცხოვრებელი პირობების, ტრანსპორტის, სოციალური უზრუნველყოფის, განათლების, დასაქმების, სპორტისა და რეკრეაციის შესაძლებლობების თანაბრად ხელმისაწვდომი უზრუნველყოფა. განხილვისა და საჭიროების შემთხვევაში კორექტირების შემდეგ საჭიროა საქართველოს კანონმდებლობით მინიჭებული უფლებამოსილების ფარგლებში ჭიათურის მუნიციპალიტეტის გამგებელმა სტრატეგიის პროექტი დასამტკიცებლად წარუდგენოს ჭიათურის მუნიციპალიტეტის საკრებულოს. სტრატეგია აყალიბებს ერთიან მიდგომას შშმ პირთა სოციალური ინტეგრაციისადმი და არსებული პრობლემების ანალიზის საფუძველზე ადგენს ამ სფეროში მუნიციპალიტეტის ძირითად პრიორიტეტებს რომლებსაც უნდა დაეფუძნოს სამოქმედო გეგმა და გეგმის ფარგლებში განსახორციელებელი ღონისძიებები.

გიორგი გოგატიშვილმა საბჭოს წევრებს ასევე მოახსენა, რომ 2016 წ-ს ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ მიერ არაერთხელ მოთხოვნილი იქნა ქ.ჭიათურაში სს „ლიბერთი ბანკის“ ჭიათურის ფილიალის მიმდებარე ტერიტორიაზე და სხვა ხალხმრავალ ადგილებში ავტოტრანსპორტის გაჩერებებისა და სადგომების მოწყობის საკითხი შეზღუდული შესაძლებლობის მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის საქართველოს მთავრობის 2014 წლის 6 იანვარს №41 დადგენილებით დამტკიცებული „შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტის“ შესაბამისად. მიუხედავად მოთხოვნისა და გამგებლის/გამგეობის მხრიდან წერილობითი თანხმობისა, სამწუხაროდ დღემდე ეს საკითხი მაინც მოუგვარებელია. მომხსენებელმა ხაზგასმით აღნიშნა, რომ ქ.ჭიათურა ცნობილია, როგორც არამარტო მაღაროელთა ქალაქი არამედ, როგორც კულტურის და ხელოვნების ცენტრი, სადაც ამჟამადაც ფუნქციონირებს აკ.წერეთლის სახელობის სახელმწიფო დრამატული თეატრი, მაგრამ ქალაქში არ არის არცერთი ავტოტრანსპორტის გაჩერება და სადგომი შეზღუდული შესაძლებლობის

მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის. აუცილებელია უმოკლეს ვადაში მოგვარდეს აღნიშნული საკითხი.

გიორგი გოგატიშვილმა საბჭოს წინაშე კიდევ ერთ საკითხზე გააკეთა მოხსენება. კერძოდ მისი თქმით წერილობითი განცხადების საფუძველზე 2016 წელს „საჩხერის შეზღუდული შესაძლებლობის მქონე პირთა რეგისტრირებული კავშირმა“ ჭიათურის მუნიციპალიტეტის გამგებლის წინაშე დააყენა ქ. ჭიათურაში, საჩხერის გზატკეცილი №5-ში, ცხრასართულიანი კორპუსის მეხუთე სართულზე მცხოვრები მკვეთრად გამოხატული შშმ პირის (ამპუტანტის) მ.გ-ს საცხოვრებელ კორპუსში ლიფტის აღდგენის საკითხი, რომელზეც გამგებლის წერილობითი პასუხი (№51/7991, 27.07.2016 წ.) იყო: „ჭიათურის მუნიციპალიტეტის გამგეობა ლიფტების აღდგენას ახდენს ამხანაგობებთან თანადაფინანსების პრინციპით. ამხანაგობა აგროვებს ლიფტის აღდგენისთვის ღირებულების მხოლოდ 10 პროცენტს, ხოლო 90 პროცენტს იხდის ჭიათურის მუნიციპალიტეტის გამგეობა. ამხანაგობის მიერ თანხის შეგროვების შემთხვევაში მოხდება აღნიშნული ლიფტის აღდგენა ყოველგვარი რიგის გარეშე.“ (მ.გ-ს თქმით კი მის კორპუსში ამხანაგობა არ არის. კორპუსში ბინების დიდი ნაწილი დაკეტილია და სხვაგან ცხოვრობენო, ამიტომ ლიფტის აღდგენის ღირებულების 10%-ის შეგროვება ვერ ხერხდებაო). მხოლოდ მ.გ. თანადაფინანსების თანხას ვერ გადაიხდის და ვერც ლიფტს შეაკეთებს. გამგეობის წარმომადგენლებმა, კერძოდ ბატონმა ლაშა გოცაძემ 2016 წ-ს მათთან შეხვედრაზე გვითხრა, რომ თანადაფინანსების გარეშე ლიფტის აღდგენის პრეცედენტს ვერ დავუშვებთო. იქნებ სპონსორი მოვიძიოთ თანადაფინანსებისთვისო, მაგრამ დღემდე არაფერი ჩანს. არადა მერაბ გურგენიძეს სრულიად ეზღუდება გადაადგილება, უხეშად ირვევა საქართველოს კონსტიტუციით, გაეროს შეზღუდული შესაძლებლობის მქონე პირთა უფლებების კონვენციითა და საქართველოს კანონმდებლობით დაცული უფლებები. მომხსენებელმა ასევე აღნიშნა, რომ მიუხედავად არაერთგზის მცდელობისა სამწუხაროდ ვერ მოიძია სამართლებრივი დოკუმენტი (დებულება), რომელიც აწესრიგებს ლიფტების აღდგენას ამხანაგობებთან თანადაფინანსების პრინციპით. მოძიებულია მხოლოდ 2017 წლის დამტკიცებულ ბიუჯეტში მუნიციპალიტეტის ამხანაგობების განვითარების ხელშეწყობის პროგრამა (პროგრამული კოდი 03 02 05) - 191,497 ლარი. ქვეპროგრამის ფარგლებში დაგეგმილია მრავალსართულიანი საცხოვრებელი სახლების ლიფტების აღდგენა ქალაქის ტერიტორიაზე რამდენიმე ქუჩაზე. საკითხის აქტუალობიდან გამომდინარე აუცილებელია მოიძებნოს ეფექტური გზები ქ.ჭიათურაში მაღალსართულიან კორპუსებში მცხოვრები მსგავსი პრობლების მქონე პირთა საკითხების გადასაჭრელად, რათა მათ თავი დააღწიონ ხელოვნულ იზოლაციას, შინა პატიმრობას და უზრუნველყოფილი იქნას დამოუკიდებელი ცხოვრებისა და ცხოვრების ყველა სფეროში მათი სრულყოფილი მონაწილეობის უფლება.

გიორგი გოგატიშვილმა ასევე აღნიშნა, რომ ჭიათურის მუნიციპალიტეტში მუნიციპალური სოციალური პოლიტიკის ეფექტურობისა და ეფექტიანობის გასაზრდელად მუნიციპალური სოციალური პოლიტიკის დამგეგმავი და განმახორციელებელი სტრუქტურების წარმომადგენლები სასურველია გაეცნონ სამოქალაქო საზოგადოების ინსტიტუტის (CSI) მიერ, ჩეხური არასამთავრობო ორგანიზაციის „ადამიანი გაჭირვებაში“ (PEOPLE IN NEED) დაკვეთით 2016 წელს განხორციელებულ „ექსპერტული კვლევა და საჭიროებების მონაწილეობით ანალიზი სოციალური მომსახურების ხელმისაწვდომობის შესახებ“ საბაზისო კვლევის ანგარიშს.

აზრი გამოთქვა. ზურაბ ცერცვაძემ ინფრასტრუქტურის კუთხით რომ მოწესრიგდეს მიწისქვეშა გადასასვლელები, გამარჯვების პარკში განთავსებული იქნას შშმ პირთათვის გზის სავალი

ბილიკი, ასევე ელექტრო ენერგიის ბოძები გზის სავალ ბილიკზეა განთავსებული აღმაშენებლის ქუჩის, ჩაჩანიძის ქუჩის და აბაშიძის ქუჩის მიმდებარე ტერიტორიებზე, რაც პრობლემას უქმნის ეტლით მოსარგებლე შშმ პირთა გადაადგილებას და აუცილებლად უნდა იქნას გათვალისწინებული.

აზრი გამოთქვა მაკა ამბროლაძემ რომ გიორგაძის ქუჩა №3-ში, უნდა გაკეთდეს ლიფტი რადგანაც მისი ორი შვილი შეზღუდული შესაძლებლობის სტატუსის მქონე ბავშვები არიან, რომლებიც ცხოვრობენ მაღალ სართულზე და ბავშვებს უჭირთ საზოგადოებასთან კონტაქტი იმის გამო რომ ზრდასრულები არიან და ვეღარ ახერხებენ გადაადგილებას ლიფტის უქონლობის გამო, მცირეწლოვნების პერიოდში ხელით ჩამოყავდათ ბავშვები ეზოში და ეხლა უბრალოდ შეუძლებელია ხელით მათი გადაადგილება აღნიშნა ქალბატონმა მაკამ.

აზრი გამოთქვა მერაბ გურგენიძემ - რომ გათვალისწინებული იქნას ასევე საჩხერის გზატკეცილი №5 კორპუსი, რომელსაც არ აქვს ლიფტი, ის ცხოვრობს მე-5 სართულზე და უჭირს გადაადგილება რადგან არის მკვეთრად გამოხატული შეზღუდული შესაძლებლობის სტატუსის მქონე პირი, ამპუტირებული აქვს ორივე ქვედა კიდური, აღნიშნავს რომ ლიფტის აღდგენა გამგეობის მიერ უნდა დაფინანსდეს 100%-ით, რადგან აღნიშნულ კორპუსში არ ცხოვრობენ მოზინადრეები და ვერ ხერხდება მოზინადრეების მიერ 10%-იანი თანადაფინანსება, მას კი არ გააჩნია სახსრები რომ დამოუკიდებლად აღადგინოს ლიფტი. ამ საკითხთან დაკავშირებით ინფრასტრუქტურის სამსახურის სპეციალისტმა ქალბატონმა ლია წერეთელმა აღნიშნა რომ ჭიათურის მუნიციპალიტეტი საკრებულოს დადგენილებით აფინანსებს ლიფტების რეაბილიტაციის მხოლოდ 90%-ს, დარჩენილი თანხის 10% კი აღნიშნული კორპუსის მოზინადრეებმა უნდა გადაიხადონ

აზრი გამოთქვა-ვლადიმერ სამხარაძემ აღნიშნა, რომ აუცილებლად მოძიებული უნდა იქნას ინფორმაცია, სტატისტიკა თუ რამდენი ეტლით მოსარგებლე და დამოუკიდებლად გადაადგილების შესაძლებლობას მოკლებული პირი ცხოვრობს ქ.ჭიათურაში მრავალსართულიან კორპუსებში. მისი აზრით ასეთი ადამიანების რაოდენობა დიდი არ არის და შესაბამისად უნდა მოხდეს მათ საცხოვრებელ მრავალსართულიან კორპუსებში ლიფტების აღდგენა გამგეობის მიერ 100%-იანი დაფინანსებით, მითუმეტეს თუ ამხანაგობა ვერ უზრუნველყოფს თანადაფინანსებას).

შეზღუდული შესაძლებლობის მქონე პირთა საკითხებზე მომუშავე საბჭოს 27.04.2017 წლის სხდომაზე მომზადდა/შემუშავდა შემდეგი რეკომენდაციები

1. შშმ პირთა მუნიციპალური პოლიტიკის ეფექტურად განსახორციელებლად სასიცოცხლოდ მნიშვნელოვანია და აუცილებელია შშმ პირთა საკითხებზე მომუშავე სპეციალისტის/თანამშრომლის შტატის დაშვება ჭიათურის მუნიციპალიტეტის გამგეობის ჯანმრთელობისა და სოციალური დაცვის სამსახურში, შესაბამისი განათლების და გამოცდილების მქონე პირის მიღება რომელიც უშუალოდ იმუშავებს შშმ პირთა საკითხებზე.

2. გაერთიანებული ერების ორგანიზაციის შეზღუდული შესაძლებლობის მქონე პირთა უფლებების კონვენციის 31-ე მუხლით გათვალისწინებული ვალდებულებების შესასრულებლად, ჭიათურის მუნიციპალიტეტში შშმ პირთა შესახებ საინფორმაციო ბაზის, ინფორმაციის შეგროვებისა და ანალიზის სისტემის ჩამოსაყალიბებლად აუცილებელია გამოიყოს ფინანსური და ადამიანური რესურსი.

3. განხილვისა და საჭიროების შემთხვევაში კორექტირების შემდეგ საქართველოს კანონმდებლობით მინიჭებული უფლებამოსილების ფარგლებში ჭიათურის მუნიციპალიტეტის გამგებელმა ა(ა)იპ „საჩხერის შეზღუდული შესაძლებლობის მქონე პირთა რეგისტრირებული კავშირის“ მიერ მომზადებული შეზღუდული შესაძლებლობის მქონე პირთა სოციალური ინტეგრაციის სტრატეგიის პროექტი დასამტკიცებლად წარუდგენოს ჭიათურის მუნიციპალიტეტის საკრებულოს.

4. ჭიათურის მუნიციპალიტეტში მუნიციპალური სოციალური პოლიტიკის ეფექტურობისა და ეფექტიანობის გასაზრდელად მუნიციპალური სოციალური პოლიტიკის დამგეგმავი და განმახორციელებელი სტრუქტურის წარმომადგენლები სასურველია გაეცნონ სამოქალაქო საზოგადოების ინსტიტუტის (CSI) მიერ, ჩეხური არასამთავრობო ორგანიზაციის „ადამიანი გაჭირვებაში“ (PEOPLE IN NEED) დაკვეთით 2016 წელს განხორციელებულ „ექსპერტული კვლევა და საჭიროებების მონაწილეობითი ანალიზი სოციალური მომსახურების ხელმისაწვდომობის შესახებ“ საბაზისო კვლევის ანგარიშს (იხ.:

http://pin.ge/plugins/images/opportunities/social_service_provision_and_needs_analysis_csi_for_pin_geo.pdf).

5. ინფრასტრუქტურის ადაპტირება შშმ პირთა საჭიროებებიდან გამომდინარე კერძოდ: მოწესრიგდეს მიწისქვეშა გადასასვლელები, გამარჯვების პარკში მოეწყოს შშმ პირთათვის სავალი ბილიკი, ასევე ელექტრო ენერგიის ბოძები გზის სავალ ბილიკზეა განთავსებული აღმაშენებლის ქუჩის, ჩაჩანიძის ქუჩის და აბაშიძის ქუჩის მიმდებარე ტერიტორიებზე, რაც პრობლემას უქმნის ეტლით მოსარგებლე და უსინათლო/მცირემხედველი პირების გადაადგილებას და აუცილებლად უნდა იქნას გათვალისწინებული ეს საკითხი.

6. ქალაქში არ არის არცერთი ავტოტრანსპორტის გაჩერება და სადგომი შეზღუდული შესაძლებლობის მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის. აუცილებელია სს „ლიბერთი ბანკის“ ჭიათურის ფილიალის მიმდებარე ტერიტორიაზე და სხვა ხალხმრავალი ადგილებში მოეწყოს ავტოტრანსპორტის გაჩერებები და სადგომები შეზღუდული შესაძლებლობის მქონე პირთა პირადი და მათ სარგებლობაში მყოფი ავტოსატრანსპორტო საშუალებებისთვის საქართველოს მთავრობის 2014 წლის 6 იანვარს №41 დადგენილებით დამტკიცებული „შეზღუდული შესაძლებლობის მქონე პირებისათვის სივრცის მოწყობისა და არქიტექტურული და გეგმარებითი ელემენტების ტექნიკური რეგლამენტი“ შესაბამისად.

7. გათვალისწინებული იქნას ასევე საჩხერის გზატკეცილ №5-ში და გიორგაძის №3-ში მრავალსართულიან საცხოვრებელ კორპუსებში ლიფტების აღდგენის საკითხი გამგეობის მიერ 100%-იანი დაფინანსებით, ვინაიდან აღნიშნულ კორპუსებში ცხოვრობენ ეტლით მოსარგებლე და მობილობა შეზღუდული შშმ პირები მაღალ სართულებზე, რომლებსაც ეზღუდებათ დამოუკიდებელი ცხოვრებისა და საზოგადოებრივ ცხოვრებაში ჩართვის უფლება და კორპუსის ამხანაგობები ვერ უზრუნველყოფენ თანადაფინანსებას, მათ ოჯახებს კი ამის ფინანსური რესურსი არ გააჩნია.

შეზღუდული შესაძლებლობის მქონე პირთა საბჭოს მორიგი სხდომა გაიმართება

ამა წლის 13 ივლისს 11 საათზე.

სხდომის თავმჯდომარე:



/ავთანდილ ვაშაძე/

მდივანი:



/ნათია კაპანაძე/